

Zeitschrift: L'ami du patois : trimestriel romand
Band: 25 (1997)
Heft: 97

Artikel: Associachon vaudoise dai z'ami dao patois
Autor: M.-L.G.
DOI: <https://doi.org/10.5169/seals-243837>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 26.11.2024

ETH-Bibliothek Zürich, E-Periodica, <https://www.e-periodica.ch>

ASSOCIACHON VAUDOISE DAI Z'AMI DAO PATOIS

Lo derrâi deçando de noveimbro 1996, noutr'Associachon a z'u sa tenâbllia d'âoton à Savegnî. L'avâi nu prô matâre et onna quinzanna de meimbro sè sant fé à estiusâ. Pouâvant pas modâ du tsî leu. Tot parâi, n'ein z'u onna galésa vêprâ. M. Maurice Bossard, presideint dâo djury, a criâ lè nom dè clliâo qu'ant preseintâ on travau po lo concoû Kissling 1996. Sant : Fanfouet Lambelet, ion dâi tot derrâi bon patoisân vaudois, que l'a fé on bin bon travau mâ qu'è "hors concours" du que l'a dzà meretâ bin dâi yâdzo. Pu, Djan-Luvî Tsobè de Pouâidâo, que gâgne la medâlye po son premî prî de poësi. M. Metsî Dzaquie, de Losena, reçai on 3 émo prî po on rècit de promenârda pè mont z'et vau avoué on applyâ.

L'è lo fin derrâi momeint dè s'eimbantsî po lo concoû de 1997 po cein que lè travau dussant ûtre einvouyî po lo 31 de djanvié 1997, dan dein quauque senannè.

L'Associachon a dècidâ dè balyî onna lottâïe de puffa de gilet à l'Associachon "Jorat, souviens-toi" qu'a fenameint atsetâ on ottô de payisan po ein fére on "musée vivant" po lè payisan dzoratâi.

M. Pierre Guex, à Vè-tsî lè Bllian, tin sa bouteca de lâivro âo pecolon et lè prête à tî clliâo qu'ant fam dè lyère lo dèvesâ dè noutrè z'anchan. Bin dâi patoisân ant rècitâ, lyè, tsantâ ein patois po lo gran plliésî dè tî clliâo que lè z'ant acutâ.
Bounn'annâïe à tî !

M.-L. G.



AMICALA DAI PATOISAN DE SAVEGNI, FORI ET EINVERON

Tenâbllia statutéra

Lo deçando 8 dè mâ 1997, 52 meimbro sè sant retrovâ âo pâilo dâi z'Alpè à Savegnî po distiutâ dâi z'affére de la sociétâ. Lo presideint, Fanfouet Lambelet, a sohîtâ la binvegnâte à tî. Madeleine Portset, la bossîre a preseintâ lè compto. Lâi a z'u on petit perte à la salyâte, lè parârdè à Forî et à Payerne po dâi fîtè de musica l'ant cotâ ôquie, cein fâ que lâi a sti an onna diminuchon de fortuna, mâ, l'è pas onco la miséra ! Lè vérificateu ant pequelyounâ lè compto âo pi fére et lè z'ant trovâ bal et bin ein oodro. La cotisachon de 10.-- pè annâïe